

471910

黃

氏

逸

書

考



中南民族

STERN

卷一

五

通

考

五



字史鈎沈

逸書考

張霸尚書百兩篇

甘泉黃奭學

伊尹死大霧三日

案古文百篇內有沃丁序云沃丁既葬伊尹於亳咎

單遂訓伊尹事作沃丁皇甫謐云沃丁八年伊尹卒卒年百有餘歲大霧三日沃丁葬之以天子禮祀以太牢親臨喪以報大德此疑卽百兩篇本文以漢書及論衡皆云霸案百篇書序而作是百兩篇內亦必當有沃丁篇王充但引此二句其全文首尾或有傳者故謚得采入帝王世紀也若如竹書紀年所云太甲七年王潛出自桐殺伊尹天大霧三日乃立其子伊陟伊奮命復其舊父之田宅而中分之其言太霧三日雖同此文事屬誣罔非謚所據以此知霸書猶可取也

惟太甲元年十有一月乙丑朔伊尹祀於先

王誕資有牧方明

三統歷譜
引伊訓篇

粵若來三月既死霸粵五日咸劉商王紂惟

四月既旁生霸粵六日庚戌武王燎於周廟

翌日辛亥嗣於天位粵五日乙卯乃與庶國

祀馘於周廟

二統歷譜
引武成篇

三日曰朏

漢書律歷志
引月采篇

惟十有二年六月庚午朏王命作策豐刑

漢書

律恩志引
豐刑篇

周公奉鬯立於阼階延登贊曰假王蒞政勤

和天下

漢書王莽傳引嘉禾篇云案玉海以上五條並入張霸偽書經義考以入

尚書

逸篇

武王渡河中流白魚躍入王舟中武王俯取以祭既渡有火自上復于下至于王屋流爲

烏其色赤其聲魄

史記周本紀索隱曰此見周書及今文太誓

武王卽位九年欲修文王業東伐以觀諸侯卽否師行師尙父左杖黃鉞右把白旄以誓曰蒼兕蒼兕總爾衆庶與爾舟楫後至者斬

遂至盟津諸侯不期而會者八百諸侯諸侯
皆曰紂可伐也武王曰未可還師與太公作

此泰誓

齊太公世家索隱曰此文上下並今
文泰誓。楊慎曰尚書泰誓無蒼兕

舟楫之文蓋張霸偽作之泰誓也按
經義考亦以今文泰誓入擬經類

子史鈎沈

逸書考

鄭衆國語解詁

甘泉黃奭學

鸞鸞鳴於岐山

鸞鸞鳳之別名也

韋解引三君云君謂鄭賈唐

案三

周文公之詩曰兄弟鬩于牆外禦其侮

常棣召穆公所作

韋解引鄭唐二君

鄭伯南也

南謂子男鄭今新鄭新鄭之於王城在畿

內畿內之諸侯雖爵有侯伯周之舊法皆

食子男之地韋解 案鄭志荅趙商亦有此語見詩鄭譜正義

火見而清風戒寒

火心星也清風寒風也書鈔歲時部四 案御覽三十四不

言是鄭注

昊天有成命二后受之成王不敢康

言昊天有所成之命文武則能受之謂脩

己自勤以成其王功非謂周成王身也韋解

引賈鄭唐說 已上周語

尹維旅牧相宣序民事

師尹大夫官也掌以美詔王維陳也旅衆
士也牧州牧也相國相也皆百官政事之
所及也一曰師尹公也詩云赫赫師尹

韋解

引三君云

魯語

夫管夷吾射寡人中鉤是以濱於死

濱近也管仲臣於子糾乾時之戰親射桓

公中鉤

韋解引三君云

齊語

公請隧

隧王之葬禮

韋解引三君云

而慈惠二蔡

蔡文王子管叔初亦爲蔡

韋解引三君云

卻至以韪韋之跗注

一 宋曰韪

韋解引三君云

問於張老

張老中軍司馬也

韋解引三君云已上晉語

應韓不在

不在時已亡也

韋解引三君云

秦景襄於是乎取周土

秦景公宣王季年伐西戎破之遂有其地

韋解引三君云
已上鄭語

射不過講軍實

軍所以討獲曰實

文選吳都賦劉注

於是乎作懿戒以自儆也

懿戒書也

韋解引三君云
已上楚語

行頭皆官師

官師大夫也

韋解引三君云

擁鐸拱稽

欽定四庫全書

稽計兵名藉也司禮聽師田以簡稽韋解引鄭

司農

國人欲告者來出

告不任兵事也

韋解引三君云已上吳語

附錄

晉侯端委以入

韋解引說云衣立端冠委兒諸侯祭服也
案昊天有成命二后受之成王不敢康韋
解引賈鄭唐說言昊天有所成之命文武

則能受之謂脩己自勤以成其王功非謂
周成王身也據此則所引說云卽是三君
之說又有引虞說引賈虞說然不知孰爲
賈孰爲唐孰爲虞故一槩附於鄭注之末
以備參攷

周語

王后親織玄統

韋解引說云統冠之垂前後者

說見上

繹不盡飫則退

韋解引說云飫宴安私飲也

說見上
已上魯語

反胙於絳

韋解引說云胙賜也謂天子致祭胙賞以
大輅龍旂桓公於絳辭之天子復使宰孔
致之

說見上

定三革

韋解引說云三革甲楯鼓

說見上
以上齊語

使佐新軍

韋解引說云新中軍也

說見上
晉語

以遠我一二兄弟之國

韋解引說云謂齊納欒盈以伐晉

說見上

昔周室違天之降禍遭民之不祥

韋解引說云謂民流厲王於彘

說見上

王曰辯

韋解引說云別物善惡

說見上

王背檐而立大夫向檐

韋解引說云檐屋外邊壇也

說見上
已上吳語

不能乘其車

韋解引說云吳是時未知以車戰申公巫

臣使其子狐庸教之

四年

韋解引說云魯哀三年

說見上
已上越語

子史鈎沈

逸書考

賈逵國語注

甘泉黃奭學

先王耀德不觀兵

耀明也

載戢干戈

戢藏也

並文選託

載臺弓矢

唐云橐韜也

昔我先世后稷